



Na graničnim prijelazima otkriveno 14 osoba prema potragama Interpola, sudova i policije

Pripadnici Jedinice granične policije Bosne i Hercegovine Orašje, 28. jula 2025. godine, lišili su slobode J.U. (1994.), državljanku BiH. Naime, graničnim provjerama je utvrđeno da je Osnovni sud u Gradišci potražuje zbog krivičnog djela *Izbjegavanje davanja izdržavanja*. Kontrolirana je na ulasku u BiH na Međunarodnom graničnom prijelazu Orašje i predata službenicima Okružnog centra sudske policije Banja Luka. Istoga dana, pripadnici ove jedinice su, također, na ulasku u našu zemlju na prijelazu Orašje, lišili slobode I.O. (1970.) jer je utvrđeno da je Ministarstvo unutrašnjih poslova Tuzlanskog kantona raspisalo potragu za njim zbog krivičnog djela *Neovlašteno držanje i nošenje oružja*. Bh. državljanin je predat službenicima Policijske uprave Živinice. Uz navedeno, pripadnici Jedinice GPBiH Orašje su 23. jula 2025. lišili slobode J.O. (1997.), nakon što je utvrđeno da je Ministarstvo unutrašnjih poslova Tuzlanskog kantona raspisalo potragu za njom radi izdržavanja kazne zatvora i zbog krivičnog djela *Krađa*. Bh. državljanka je kontrolirana na ulasku u BiH na prijelazu Orašje i predata službenicima Centra sudske policije u Posavskom kantonu.

Pripadnici Jedinice GPBiH Gradiška, 28. jula 2025., lišili su slobode M. P. (1974.) jer je utvrđeno da je Ministarstvo unutrašnjih poslova Republike Srpske raspisalo potragu za njim zbog krivičnog djela *Ugrožavanje javnog prometa*. Državljanin Australije i BiH je kontroliran na ulasku u BiH na prijelazu Gradiška i predat službenicima MUP-a Republike Srpske. Prethodno, 25. jula 2025., pripadnici ove jedinice su lišili slobode A.Č. (1997.) prilikom ulaska u našu zemlju na prijelazu Gradiška. Utvrđeno je da je Ministarstvo unutrašnjih poslova Republike Srpske raspisalo potragu za ovim bh. državljaninom zbog krivičnog djela *Teška krađa*. Predat je službenicima MUP-a Republike Srpske.

Pripadnici Jedinice GPBiH Bijeljina, 27. jula 2025., predali su C.G. (2006.) službenicima Okružnog centra sudske policije Doboj, nakon što je utvrđeno da ga Osnovni sud u Doboju potražuje zbog krivičnog djela *Teška krađa*. Bh. državljanin je kontroliran na izlasku iz BiH na prijelazu Popovi.

Istoga dana, pripadnici Jedinice GPBiH Brod su prilikom ulaska u našu zemlju na prijelazu Brod, lišili slobode bh. državljanina V.O. (1998.). Utvrđeno je da ga Općinski sud u Sarajevu potražuje zbog krivičnog djela *Krađa*. Predat je službenicima Centra sudske policije u Posavskom kantonu. Također, 27. jula 2025., pripadnici ove jedinice su lišili slobode E.N. (1989.), nakon što je ustanovljeno da je Ministarstvo unutrašnjih poslova Zeničko-dobojskog kantona raspisalo potragu za njim zbog krivičnog djela *Izbjegavanje izdržavanja*. Bh. državljanin je kontroliran na ulasku u BiH na prijelazu Brod i predat službenicima MUP-a Zeničko-dobojskog kantona.

Pripadnici Jedinice GPBiH Aerodrom Banja Luka, 27. jula 2025., na letu za Beč, lišili su slobode S.J. (1979.) jer je ustanovljeno da ga Osnovni sud u Gradišci potražuje radi izdržavanja kazne zatvora. Državljanin BiH je predat službenicima Okružnog centra sudske policije Banja Luka.

Pripadnici Jedinice GPBiH Aerodrom Sarajevo, 25. jula 2025., lišili su slobode B.R. (1983.) jer je ustanovljeno da ga Sud BiH potražuje zbog krivičnog djela *Krivtvođenje isprave*. Državljanin BiH je na Međunarodni aerodrom Sarajevo stigao letom iz Istanbula. Predat je službenicima Zavoda za izvršenje krivičnih sankcija, pritvora i drugih mjera BiH.

Istoga dana, pripadnici Jedinice GPBiH Trebinje su lišili slobode E.M. (2002.) prilikom ulaska u našu zemlju na prijelazu Ivanica. Utvrđeno je da je Ministarstvo unutrašnjih poslova Zeničko-dobojskog kantona raspisalo potragu za njim zbog krivičnog djela *Ugrožavanje sigurnosti*. Bh. državljanin je predat službenicima Policijske stanice Olovo.

Pripadnici Jedinice GPBiH Zvornik, 25. jula 2025., lišili su slobode A.A. (1995.), nakon što je utvrđeno da je Interpol Budimpešta raspisao potjernicu za njim zbog krivičnih djela povezanih s nezakonitim migracijama. Državljanin Republike Srbije je kontroliran na ulasku u BiH na prijelazu Šepak i predat službenicima Sudske policije Suda BiH.

Pripadnici Jedinice GPBiH Aerodrom Tuzla, 23. jula 2025., na letu za Bazel, lišili su slobode E.J. (1982.). Utvrđeno je da Općinski sud u Sarajevu potražuje ovog državljanina BiH zbog krivičnih djela *Teška krađa* i *Posjedovanje i omogućavanje uživanja opojnih droga* i Osnovni sud u Sokocu zbog krivičnog djela *Teška krađa* te Ministarstvo unutrašnjih poslova Kantona Sarajevo zbog krivičnog djela *Teška krađa*. Predat je službenicima Okružnog centra sudske policije Istočno Sarajevo.

Pripadnici Jedinice GPBiH Bijeljina, 22. jula 2025., lišili su slobode D.V. (1985.) prilikom ulaska u našu zemlju na prijelazu Rača. Provjerama je ustanovljeno da ga potražuju Osnovni sud u Doboju zbog krivičnih djela *Oštećenje i oduzimanje tuđe stvari* i *Teška krađa* te Osnovni sud u Banjoj Luci zbog krivičnog djela *Navođenje na ovjeravanje neistinitog sadržaja*. Državljanin BiH je predat službenicima Okružnog centra sudske policije Doboj.

COVID-19 Prelazak državne granice Bosne i Hercegovine	>
PRIJAVE GRAĐANA (žalbe, korupcija, prekogranični kriminal)	>
ZAKON O SLOBODI PRISTUPA INFORMACIJAMA Vodič: kako do informacija	>
NAJČEŠĆE POSTAVLJENA PITANJA	>
JAVNE KONSULTACIJE	>

